



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-572/10
Sarajevo, 9.4.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 13.04.2010			
Organizaciona jedinica	Klasifikaciona oznaka	Redni broj	Broj priloga
01-50-1-15	15	71	10

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 118. sjednici održanoj 8.4.2010. godine, utvrdilo je Odgovor na zastupničko pitanje koje je postavio gosp. Rifat Dolić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-572/10
Sarajevo, 8.4.2010. godine

Rifat Dolić, poslanik u Predstavničkom domu Parlamentarne skupštine Bosne i Hercegovine, na 71. sjednici ovog doma održanoj 3. marta 2010. godine postavio je slijedeće poslaničko pitanje:

«Koje sve zakonski ustanovljene poticaje danas privreda, poduzetnici, proizvođači u BiH imaju na raspolaganju u pokušaju održavanja i povećanja proizvodnje i izvoza i očuvanja radnih mjesta u ovom recesijskom vremenu koje proizvodi očaj jednak kod poslodavaca i onih koji su u svakodnevnoj opasnosti od gubitka posla?»

Na postavljeno pitanje, vijeće ministara Bosne i Hercegovine je na 118. sjednici održanoj 8.4.2010. godine, utvrdilo sljedeći

ODGOVOR

U okviru svojih nadležnosti, Vijeće ministara BiH, već drugu godinu za redom, je u sklopu budžeta predvidilo iznos od 350.000,00 KM za promociju bh privrede na domaćim i inostranim sajmovima. Za promociju na inostranim sajmovima je predviđen iznos od 240.000,00 KM, dok je za domaće sajmove predviđeno 110.000,00 KM. Program promocije je sačinila Vanjskotrgovinska komora BiH – BHEPA imajući u vidu regionalnu i sektorsku zastupljenost.

Kao oblik direktne podrške stranim investitorima u Bosni i Hercegovini, veoma je bitno pomenuti Fond za podršku stranim investitorima u Bosni i Hercegovini koji je osnovan Odlukom o formiranju Fonda za podršku stranim investitorima u Bosni i Hercegovini („Službeni glasnik BiH“ br.42/07), koji djeluje kao privremeno tijelo pri Agenciji za unapređenje stranih investicija u Bosni i Hercegovini. Budžet ovog fonda za 2009.godinu je iznosio 2.000.000,00 KM, i to za podršku investicionim projektima koji su okončani u 2008.godini.

U Bosni i Hercegovini politika podrški poljoprivredi i ruralnom razvoju je u nadležnosti entiteta i Distrikta Brčko BiH i iste se realizuju na osnovu važećih propisa u entitetima i Brčko Distriktu BiH.

U Federaciji Bosne i Hercegovine na osnovu «Zakona o novčanoj podršci primarnoj poljoprivrednoj proizvodnji Federacije BiH», («Službene novine Federacije BiH» broj 28/04 od 26.05.2004. godine), sredstva za novčanu podršku u primarnoj poljoprivrednoj proizvodnji osiguravaju se u budžetu Federacije Bosne i Hercegovine za svaku kalendarsku godinu.

Federacija BiH na osnovu programa podrške provodi mjere direktnih podrški poljoprivrednoj proizvodnji, podrški investicijama i podrški ruralnom razvoju.

Ukupan Budžet za novčane podrške Federalnog ministarstva poljoprivrede, vodoprivrede i šumarstva za 2009. godinu iznosio je 50.000.000,00 KM, odnosno oko 3% od ukupnog Budžeta FBiH u 2009. godini. Za 2010. godinu planirano je 55.000.000,00 KM, što takođe iznosi oko 3% od ukupnog Budžeta FBiH.

Napominjemo da sem Federalnog MVPŠ, za podršku poljoprivrednoj proizvodnji određena sredstva izdvajaju i kantoni iz svojih budžeta u ukupnom iznosu od oko 30.000.000,00 KM.

Programom utroška sredstava podrške poljoprivredi utvrđenim budžetom Federacije BiH sa kriterijima raspodjele za 2010. godinu u iznosu od 55.000.000,00 KM namijenjeno je:

1. 64,56% direktnoj podrški proizvodnji,
2. 18,86% podrški investicijskim ulaganjima
3. 10,04% podrški mjerama ruralnog razvoja
4. 2,30% podrški stručnim projektima
5. 4,24% za ostale namjene (Interventne mjere na tržištu).

Podrške investicijama i podrške mjerama ruralnog razvoja u Federaciji BiH usmjeravane su u nabavku poljoprivredne mehanizacije i opreme, nabavku osnovnog stada, podizanje višegodišnjih nasada, izgradnju i proširenje ribnjaka, izgradnju plastenika i staklenika, izgradnju kapaciteta za skladištenje i distribuciju.

U Republici Srpskoj na osnovu «Zakona o obezbjeđenju i usmjeravanju sredstava za podsticanje razvoja poljoprivrede i sela», («Službeni glasnik Republike Srpske» broj 43/02 od 19.07.2002. godine), sredstva za podsticanje razvoja poljoprivrede i sela obezbjeđuju se iz budžeta Republike Srpske u visini najmanje 6% ukupnog prihoda budžeta i drugih izvora, što je u 2009. godini iznosilo 81.500.000,00 KM, a u 2010. godini iznosi 80.000.000,00 KM.

U 2009. godini sredstva u iznosu od 81.500.000,00 KM u Republici Srpskoj realizovane su na način:

1. Direktna podrška poljoprivrednoj proizvodnji 65%
2. Podrška dugoročnim ulaganjima (investicije) 10%
3. Podrška ruralnom razvoju 11 %
4. Interventne mjere na tržištu 9%

Pravilnikom o načinu ostvarivanja novčanih podrški za razvoj poljoprivrede i sela RS u 2010. godinu planirano je izdvajanje iz budžeta od 80.000.000,00 KM na način:

1. 50% podrška proizvodnji i dohotku,
2. 46% podrška ruralnom razvoju koja uključuje podršku dugoročnim ulaganjima,
3. 4% podrška interventnim mjerama na tržištu.

Brčko Distrikt BiH je u 2009. godinu za podršku poljoprivredi i ruralnom razvoju iz budžeta izdvojio 6.500.000,00 KM, a u 2010. godini 5.000.000,00 KM.

U Brčko Distriktu na osnovu «Zakona o podsticaju u poljoprivrednoj proizvodnji», («Službeni glasnik Brčko Distrikta BiH» broj 11/06), novčana sredstva za unapređivanje poljoprivredne proizvodnje osiguravaju se u budžetu Brčko Distrikta Bosne i Hercegovine za svaku fiskalnu godinu. Visina podsticaja se određuje pojedinačno za svaku budžetsku godinu i ne može biti manja od

4.000.000,00 KM od godišnjeg budžeta Brčko Distrikta BiH, što je u 2009.godini iznosilo 6.500.000,00 KM, a u 2010. godini iznosi 5.000.000,00 KM.

Sredstva za podršku poljoprivredi u Brčko Distriktu se koriste za:

1. Biljnu proizvodnju: ratarstvo, povrtlarstvo i voćarstvo;
2. Stočarsku proizvodnju: govedarstvo, svinjogojstvo, peradarstvo, ovčarstvo, kozarstvo i ostala stočarska proizvodnja;
3. Organsku proizvodnju;
4. Kapitalne investicije;
5. Uvođenje novih tehnologija i kultura u primarnoj poljoprivrednoj proizvodnji.

U Federaciji Bosne i Hercegovine je u 2009.godini budžetom utvrđen "Transfer za podsticaj razvoja, preduzetništva i obrta" u Federaciji BiH, kojim je predviđeno:

- 4.100.000,00 KM grantova za izgradnju preduzetničke infrastrukture, podršku udruženjima preduzetnika i obrtnika, razvoj tradicionalnih i starih obrta, izgradnja inovativne privrede i podrška novoosnovanim privrednim subjektima;
- 4.400.000,00 KM kreditnih sredstava koja se preko Investicijske banke FBiH plasiraju kao kreditni podsticaji razvoju preduzetništva i obrta.

Impelementacija ovog oblika direktne i indirektne podrške privredi je vršena preko Federalnog Ministarstva poduzetništva, razvoja i obrta.

U 2010.godini, Vlada FBiH je na svojoj 136. sjednici, donijela odluku o usvajanju Programa utroška dijela sredstava sa kriterijima raspodjele sredstava „Transfer za poticaj razvoja, poduzetništva i obrta“, utvrđenog Budžetom Federacije BiH za 2010.godinu, Federalnom ministarstvu razvoja, poduzetništva i obrta u ukupnom iznosu od jedanaest miliona konvertibilnih maraka.

Sredstva u iznosu od pet miliona KM namijenjena su za izgradnju preduzetničke infrastrukture, razvoj obrtničkih komora, podršku udruženjima preduzetnika i obrtnika, razvoj tradicionalnih i starih obrta, stipendiranje učenika za obrtnička zanimanja, izgradnju inovativne privrede, podrška novoosnovanim subjektima male privrede i prekogranična saradnja u okviru IPA programa. Za podršku u sufinansiranju investicionih projekata koje pravni subjekti finansiraju iz vlastitih sredstava i kreditnih sredstava Razvojne banke FBiH, predviđeno je tri miliona KM.

Isti iznos predviđen je i kao kreditni podsticaj razvoju preduzetništva i obrta koji će se plasirati putem Razvojne banke Federacije BiH, na revolving osnovi sa rokom povrata od sedam godina, grejs periodom do dvije godine i kamatnom stopom od dva posto. Usvajanjem ovih odluka usvojeni su i kriteriji za izbor projekata, kao i korisnici sredstava.

U toku 2009.godine u Republici Srpskoj su preko Ministarstva industrije, energetike i rudarstva Vlade Republike Srpske putem javnih poziva dodjeljivana sredstva za subvencionisanje preduzeća, iz oblasti tekstila, kože i obuće, sredstva za uvođenje sistema kvaliteta u preduzeća i sredstva za sufinansiranje podsticaja izvoza.

Takođe, u 2010.godini, ovo Ministarstvo je već raspisalo javni poziv za dodjelu sredstava za subvencionisanje preduzeća, iz oblasti tekstila, kože i obuće.